



D. D.

ANT. GOMEZ,
 J. C. ERUDITISSIMI,
 COMMENTARIORUM,
 VARIARUMQUE RESOLUTIONUM
 Juris Civilis, Communis, Regii.
 TOMUS SECUNDUS.
 DE CONTRACTIBUS.

PROEMIUM.

AB SOLUTIS iis, quæ pertinent ad ultimas testantium Voluntates, ordinis ratio postulat, ut ad secundam Juris Civilis partem, quam de Contractibus esse volumus, accingamur. Cujus tractatio eò mihi jucundior fuit, clariorque luce, & compositiori ordine indigere visæ est, quòd apud omnes fermè gentes, & populos circa Contractus, molestas, odiosasque passim lites exoriri viderem, Potissimam verò operam dedi. quòd facilior & clarior nostra de Contractibus procederet oratio, ut quòd multorum opinionibus esset involutum, explicarem: quòd varietate obscurum, clarum redderem: quòd multis Jurisconsultorum responsis exuberans, varièque diffusum, ordine tractarem: quòd multorum hominum tumultuosis disputationibus, & molestis clamoribus obturbatum, sedarem: totam denique hanc materiam sic temperarem, ut etiam Juvenes per immensos spinososque Juris Civilis campos spariari nunc tandem summa cum voluptate, & fructu, possint. Hac enim tempestate eò venit multorum, qui de jure Civili eripserunt, cum temeritas, tum impudentia, ut verè nunc demum dicere possimus, quòd est apud Euripidem, in Hippolito.

*Nv d'ερωδιουσι πιστωμασι τ' αληθειαν
 Κανθολοιου ωγα μη δουλει α χρι δουλει.*

Adde etiam, quòd hujusmodi indigesta scriptorum moles, passimque Doctorum opiniones, per varios anfractus & titulos dispersæ, studiosam legum juventutem ab honesto instituto avertunt, atque etiam constanter in abdita Jurisprudentiæ gressam in obscuras præcipitant tenebras, in contrarias sententias trahunt, in turbulentos errores conjiciunt: denique in desperationem plerumque adducunt. Nos igitur hanc rotam de Contractibus tractationem quindecim Capitibus brevissimis & facillimis absolvimus: ita, ut quis titulum *ff. de verb. oblig.* turus accedere, totamque eam materiam facillimè methòdo intelligere possit. Cùm autem hominum causa (ut præclare docet Hermogenianus in *l. 2 ff. de stat. hom.*) jus omne sit constitutum, primò de personis, quæ possunt contrahere, vel non: ac post de cæteris, his proximos atque conjunctos applicantes titulos, ut res patitur, dicemus.

